



紹述先生詩集

九

16
2124
29



和
2/24
29

紹述先生文集卷之二十九

詩集卷之九

奇不
賞書
樓主

男善韶 校

七言絕句

題先人所書扇頭

嘗從先子秋日遊高維先子賦五言近體詩一首寫之扇

頭時勞州久居鎮醫負佐藤猿壽丈肄業在都過後之次請觀近詩先子以扇示之就而巧之未幾而回鄉爾來三十餘年杳無消息頃者因予外氏見示且詳其由請予題辭吁墨痕宛然手澤尚新非嚮學之深崇賢之至豈能寶惜之如此耶目題一絕于其後云

嘗陪杖屨討清幽三十年前蕭寺秋一握輕紈數行字忽令往事上心頭

蘇東坡詩集卷之二十一 蘇東坡詩集卷之二十一

肥州德島老丈見惠唐茶一器詩以謝之

胸中韜畧更無倫，明世幸為無事人。別有一般清苦趣，寄來分我建溪春。


竹林早鶯 己亥

一窠修篁隨意生，春寒偏覺別般清。夜來雪壓疑無地，忽聽黃鸝第一聲。

應圭齋道兄之招遊松阜次韻主人 己亥三月七日

綠水青山隔市城，幾人到此厭軒纓。無緣接近寄居止，醉對階前爛熳櫻。

松契千年 十乘院母氏九十七壽



桃李艷春紅，欲蒸爭能雪。色得侵凌同，盟唯有後彫。雙千歲真成耐久朋。

拜望諸陵

列聖遺弓日月新，低回今日泣遺民。累累^{タレ}柩墓無人認，首著花開滿野春。

己亥三月遊泉南次奉渡邊道兄客舍來訪韻

故人鷄黍不寒盟，洛下十年嘗識荆。今日泉南春且盡，雨餘晴嶂眼偏明。

夏日遊適堂師房 六月四日 維文 敦素兩丈到

細葛穿來汗作漿，塵中無路挹清涼。今宵相對心如

蘇東坡詩集卷之二十一 蘇東坡詩集卷之二十一 古義堂藏

永坐了是公竹裏房

錄前詩示塾中書生索和未成自和以促之

清暑殿中供蔗漿天邊風露別般涼人間不許放些子來就綠陰深處房

仲弟長英筮仕始赴福山春來屢有書問

江關風雪未期晴黃巖山中信馬行莫厭崎嶇千里遠丈夫生有四方情

輦下新年十日晴遙思水國恣吟行書來先認平安字好報加飡慰遠情

福山山本丈和拙詩見寄再酬謝之

雙劍十年依海城清時誰請建章纓登高能賦君家事來賞京山處處櫻

小雨晴

恨將文字買虛名未肯絕交謝楮生小雨初晴秋意動牽牛花下草虫聲

和庠生次前韻

項羽唯知記姓名誰將翰墨了斯生秋風吹動道人夢又聽孤鴻報霽聲

伊吹殘雪

誰上寶臺同賦詩浮生半日有心期溪山映帶總堪

畫最是晴峯殘雪時

贊一簞一瓢圖

誰知真箇興王佐長在蕭然環堵中遺蹟千年猶昨日一瓢傾盡一簞空

小松落月

洛東真淨菴十觀之一

行人遙認箇長松蒼靄林間出暮鐘看見小倉山月落後峯秋色映前峰

己亥十月十二日展省之次上小倉山亭讀先

人遺詠泫然次韻本韻本集失載

雙履登登入杳冥萬松樹裡一孤亭好山似為

詩人設欲向峰頭謝巨靈

層巒障日挿青真雲樹多邊置小亭壁上廿年遺墨

在應於此處託精靈

風吹雜樹雨冥冥記得同遊上此亭追憶不堪唯我

在漫將已曲答山靈

山家殘菊

己亥十月十七日杉氏招里村氏一族及子九山蓮阿弥

依山樹竹兩三家白石溪邊取路斜應待幽人來對

酌敗籬十月護黃花

贈小曾根生歸鄉

小曾根生自野州油田邑來學在都周年忽告別書此為贈云庚子

憐子間關千里程青萍三尺客京城二荒山外春應

好牛角繫書，迹快晴。

題庸軒老人肖像

百年輦下競紛奢，清趣獨推鴻漸家。欲識此翁真活計，一甌玉乳一瓶花。

朴所藤公席上邂逅風竹老丈見寄一絕次韻

酬謝

平泉莊裏絕囂塵，逢著飄然物外人。遺我夜光珠一顆，應須醫得范丹貧。

卒賦

三月十四日 朴所公亭

疎鐘午寂雨絲絲，正是鶯花未老時。城裏難逢閒半

日偶然得我賞春詩

道邊古墓

古墓無人識姓名，玉魚何處鎖佳城。唯餘一線看碑路，春草年年避不生。

舊宮人

胡蝶雙雙飛過牆，春風吹夢到昭陽。刺看落日半簾影，燒却賽蘭嘗賜香。

便面小景

老樹槎牙未報秋，低雲閣雨落沙頭。孤舟白日誰搖櫓，萬古蒼波人在樓。

登相國寺樓 庚子六月十七日

飛閣峩峩逼彼蒼，
喟音斷處午陰長。
高風吹散松巔雨，
添作人間一味涼。

星河秋久

乞巧樓頭風露浮，
明河和月欲西流。
仍思當日支機石，
也閱人間幾度秋。

贈門田良臣歸和州 庚子五月

蕭澤十年初，
但歸歸來蜀。
魄雨中飛，
鄉人若問榮旋事，
好把芳聲當繡衣。

外祖王母米年之壽 庚子五月廿一日

壽席杯盤時物新，
子孫濟濟豈佗人。
蟠桃結子三千歲，
百歲尚餘幾回春。

芳賀丈席上偶賦 六月廿五日

桃花坊裡相逢處，
竹葉杯中將暮天。
一道清風松際落，
自疑羽化欲登仙。

夏日得生師席上次養齋氏韻 六月廿四日

高蹤不厭市中住，
老樹滿庭分外涼。
喜子能知遠公意，
幾巡為我舉瑤觴。

古寺殘月 秋興堂分題詩 歌十首之內

松老竹深秋，
意清和風吹。
送念經聲，
猶餘當日布金。

地留得半稜殘月明

十五夜秋興堂觀月庚子

竹院題詩坐晚風秋河不動月方中
遙思今夜蓬萊宴應有夔龍奏九功

庚子九月十三夜蘭化齋賞月

較遲一月先三夜添作人間三五明
明月同看千古色連床一夜對秋晴

籬菊帶秋風

奇品嘗聞御愛黃縛籬徑徑護新霜
微風蕩漾珠簾影吹送珊瑚枕上香

又

紫菊叢叢徑就荒高情未必學柴桑
秋風獨立東籬下滿袖携來冉冉香

朴所公席上次中御門藤公宣顯韻九月廿七日

幸值華軒過綠野黃花如見晉人心
陶鎔本自憑君手併在鏘鏘擲地金

攬翠軒即事庚子十一月廿五日

山水清奇甲帝州高蹤且向此間休
一筇尋到小春後數筆晴峯人在樓

題松下鶴立圖庚子臘月稻原玄亮懇

不入鷄群謀稻梁，松陰六月午風涼。人間繒繳無緣到，靜整僊衣皓雪霜。

子曰：祝應 兵部大王教 辛丑

探春勝日陟東岡，共採松秧栽向陽。長看金枝兼玉葉，四時不改影蒼蒼。

辛丑之秋遊江州宿南市村安原氏宅遂到小

川村尋藤樹書院

江西書院聞名久，五十年前訓義方。今日始來絃誦地，古藤影掩舊茅堂。

遊今津莊巖寺既歸友生傳和尚見寄四絕句

輿中忽忽和呈二首

偶尋蕭寺到江邊，豈是三生石上緣。歸去又穿翠屏裏，秋濤一色共長天。

來對麻衣林下人，清茶待我以佳賓。更於勝槩牽餘興，一徑青苔不惹塵。

題枯蘆翡翠畫 應花山黃門公之懇

枯蘆數葉弄秋暉，翠鳥窺魚不肖飛。憶得扁舟湖上晚，夕明身自此中歸。

辛丑之歲予遊丹州久下文人見寄一絕既歸

和謝

東魯文章日月尊，遺風千歲著人溫。偶然聚首窮山裏，目擊分明不假言。

赤城暮雪

千仞霞標天末橫，模糊雲樹礙雙明。北風吹雪日沉閣，玉削芙蓉別樣清。

八條羽林藤公賜新詩，并芍藥一朶詩以奉謝。誤聞董生長，下帷家園十載，不曾窺遺子。合浦珠一掬，分與廣陵春一枝。

題太公釣渭圖

一片苔磯綠水濱，長竿手熟五溪春。誰知異日鷹揚

者，即是當年鵠髮人。

題周子愛蓮圖

徹底無塵一鑑空，愛花人在水晶宮。清波濯出亭亭翠，輝映光風霽月中。

綠竹不改色

烟梢露葉影蒼蒼，環佩聲來秋滿堂。閱盡世間紅紫，開清風吹夢，午陰涼。

即事

更無閑事攬幽夢，覺謾書字字斜。春事闌珊猶昨日，一墻開遍繡毬花。

題畫竹

嘗扣衡門訪子猷，烟梢點亞綠如浮。不知身在剡溪上，一榻清飈一枕秋。

題梅畫

楊家名畫著當時，幻出橫斜掛月枝。驛使不來春又老，綺窓和雪弄瓊姿。

應兵部大王教賦初春驚

瑞靄氤氳映斗城，王侯第宅屬昇平。東風吹綠滿園柳，便有黃鸝枝上聲。

社頭梅

池見氏父安田翁壽

姑山仙子出塵姿，笑向東風傍古祠。時與遊人花下酌，只知遲日更遲遲。

卒和

春日訪木鐘大

黃鳥白梅輦寺春，真遊何羨葛天民。世間榮辱幾場夢，又與東風一度新。

豐公故壘桃花

叱咤時移霸業空，百年葵麥動春風。金湯變作桃花塢，遠近霞蒸十里紅。

次諸友見和

大澤龍蛇積水空，夕陽殘壘立悲風。同遊非復昔遊

客桃艷自燕人面紅

即席 壬寅三月中泮應啓
上人招遊岡崎幽居

四面峰巒三面入十分春色二分殘法書名画幾回
展豈只浮生半日歡

杜甫騎驢圖 膳所小
林生求

霓裳曲歇動胡塵板蕩祗憑社稷臣破帽蹇驢綠底
事畫家只識顏詩人

夏日始奉謁 開院宮講魯論 壬寅五月
廿二日

長安城裏繡衢分花萼樓高映五雲叨對鳳皇池上
客執經日午沐南薰

嘗識九鬼秀才于一播紳家交未熟然意其有
學道之志近來挾策來訪且見索尊萱七袞初
度詩嗣其壽詩以祝之

不須千里勸加餐膝下日承慈母歡兒女滿堂稱壽
酒奏功豈只九還丹

殿庭多夏興 六月廿五日
院御會題私賦

仙韶時奏五絃詞大液芙蓉始出波十二欄干簾影
裏好風偏傍御前多

胡人雪中獵騎圖 長州志
川氏懇

天山飛雪注銀箭虜酒千鍾馬上傾豈是胡兒能易

我中原元自壞長城

八條羽林藤公賜拒霜花一瓶并高作一什次

韻奉謝八月三日

秋艷唯看有拒霜故先紫菊占幽芳斜封三道荷高
意一朶寄來集几傍

題牡丹蓋士寅八月

沉香亭畔殘春姚魏粧成別樣新
豪興空將歲華去纔買數朶與詩人去

題畫字都津氏懇

山禽六擇好枝來飲啄相依粲粲梅
未見幽人花下

酌莫令狼藉委蒼苔

秋郊晚步

人事自兼天事催木綿結子蕎花開
山風不管世間關穩送鐘聲渡水來

識山縣子已十餘年矣過京之次每枉垂訪今

茲春中暫寓京邸幸蒙佳招同門生舍弟等到

湯次惠韻

漫說韋家傳一經休言玉樹植階庭
荷君千里命駕意徹夜對燈眼共青

野徑梅

雪厭橫斜俯野塘，馬蹄到處惹殘香。自開自落誰相惜，分付行人任品章。

阿松試醉 十月八日

詩禮叨嘗陪鯉庭，年過半百始添丁。傳家已見五兄弟，又欲阿兒遺一經。

詠五寺 十月津田氏求

廢寺

修篁密樹足禽聲，寒殿無僧鎖月明。瓦尚餘當日，字有人採去，代陶泓。

古寺

江左君臣求福田，嘗營華屋奉金仙。六朝事業託青史，棟宇空傳天監年。

山寺

塔廟參差占一峰，白雲影裏出清鐘。山僧偏喜遊人到，指說當年摩頂松。

野寺

精舍距城可里餘，夕燈午梵接郊墟。一支派得田間水，為鑿小池養芙蕖。

水寺

雙雙白鳥衝烟飛，松寺臨江半掩扉。欲借繩床供醉

夢一舸明月載僧歸

岸本法眼壽賢從先子遊數十年齒向期願精神不衰

太上皇優其高年宣召賜謁詩以賀之十一

逢著蟠桃幾度春濟生功就儘精神恩榮今日自

天處不老門前不老人

高森安立丈壽乃翁六袞初度見求賀詞為呈

一絕

小築隣山鎖紫霞行人云是地僊家龐眉鶴髮扶扶
老鎮看園中續續花

松契千年島田君六十，壽渡邊氏求

雲深茂樹擁層巖往往相逢騎鶴仙天下無朋能耐
久喬松唯看綠千年

幽山居士自長州來卜居鴨河濱和呈

畏景十年後海濱幽居來與白鷗親門前慵植五株
柳點檢舊詩不問貧

蘭畹氏寄脉夢中所得詩要和聞秋間嘗有東與之行故云

羨子豪遊日本東白河松島度長風歸來又對舊書
幌芳草春生殘夢中

訪若水詩仙

一菴依嶺占清竒，聞說王翁素好詩。欲渡長橋無復板，盈盈一水使人悲。

應兵部大王教賦春情有鶯癸卯二月廿七日

風兼殘雪聲猶緊，青入燒痕色未勻。只有鷓鴣黃最饒，舌垂楊陰裏報春新。

雲錦林老丈官于和之高取為世臣，理務多年

屬辭弗得退，近者掌府留事齒逮古稀射御不

違，仍以松頤鶴飛回為題同賦一章以伸賀三月

千尺長松蔭翠微，仙禽頤認舊巢歸。翩躚時擇好枝立，尚見當年下令威。

恒窩氏和予去年故壘觀桃韻見贈再和却寄

三春舊事一年空，記得桃嬌帶野風。命駕又期花發日，並鑣同賞淺深紅。

癸卯三月廿七日遊猪飼氏自然亭

分得城中十丈塵，郊西一路兩三人。自然亭上自然景，都屬山櫻落後春。

八月應森下氏之招遊靈山

城東佳寺茲清飲，脩竹叢間不隔巒。小雨初晴秋慘淡，清樽對月擬共看。

再和

蘇東坡先生集卷之九 蘇東坡先生集卷之九

一日歡當十日歡高亭置酒俯群密連篇珠玉荷高眷愧在陽春白雪看

櫟谷老人雪中訪蘭畹氏有詩次韻寄之

歲月崢嶸風雪時跨驢覓句者其誰翩然直造故人宅更於薛間留一詩

題畫 朝技 氏懇

風篁臨水帶寒聲恐有扁舟訪戴生一咲出門天地

澗山從雪後轉分明

奉謝羽林藤公賜園卉一筓并高詩 甲辰

滿園芳艸盡天工花簇薰風冉冉中數朵折來添厚

意竒葩帶露別般紅

或書椿壽八千字請題其後

百壺送酒醺華堂燕舞鶯歌日正長椿壽八千傳自

舌為君更祝萬無疆

網齋丈春仲東行之次自天津驛見寄一絕次

韻別裁一詩以代面晤

千里西來千里去人情世故巧相違歸鞵到日秋風

裡剪燭何時綺席依

潭府周旋知健在城中誰與講斯文華京比日因炎

熱時就松陰一簇雲

蘇東坡先生集卷之九 蘇東坡先生集卷之九

古硯千種見白醫宗嘗自勢州來齋一古研見其狀類風字募當世名匠多著篇詠又巧予詞因賦一絕以還之云○享保甲辰

紫石稜稜自端溪琢就文泓氣吐霓日永明窓鏡樂意應濡兔穎寫新題

伊藤鳳陽氏寫大字數幅見時年十四詩以獎之

新涼帶雨到郊墟會見銀鈎照草廬今日能成如掌字他年應讀等身書

籬菊初綻

野人愛菊有清香旋縛短籬栽幾行露底今朝三四

綻未堪摘去泛金觴

風月照流水

清眺臨水太有情暮鴻欲下叫新晴誰將天上半梳影擲在溶溶波底明

右二首兵部五題

甲辰九月十三夜蘭化齋賞月

紫萸摘盡兩初晴東嶺雲開新月生新月故人相對坐誰令玉笛弄秋聲

藥畦梅 惠通長崎百梅之一

雪壓山人栽藥畦瓊姿相倚月高低曉風吹斷羅浮夢翠羽參橫枝上啼

兵部卿官家同賦梅有佳色應令乙巳正月

梁臺雪霽植梅開春色十分天地來風度綺疏塵不到花前終日醉鄒枚

桃花水一首壽東泉翁七表初度辰是日值上巳

流水桃花三月三春衣深得綠於藍又逢七表懸孤日介壽應齊彭與聃

鶯知多春應尹宮令旨十快觀華林暄風恰恰轉黃鸝正是三春行樂時歲歲應知長若許飛觴同蔭萬年枝

壽某孺人五表義仙女弟乙巳春

絲衣本是手中絲共捧霞觴壽萬斯天上玉桃初結字應隨王母宴瑤池

賦花契遐年壽奧田宜休老丈六表

凝霞臺上凝紅霞鳳吹聲聞仙子家不向人間推甲子長年醉賞碧桃花

踏青三月十五日蘭畹亭

芳原乘霧輾鈿車一道裙腰傍水斜多少遊人多少興春光知入阿誰家

夜泊四月五日弊舍

守風一，夜倚篷窗，四望蒼茫，月滿江，隔岸峽猿啼，寂
寂避人水禽去，雙雙。

垣內全庵丈筮仕，豐之中津，過京見寄一絕，因

賦小詩謝會

一別而今三十秋，東來分手又西遊，相思千里豐城
遠，應見龍光干斗牛。

適堂老禪，席上同次見眎韻五月二日

麴米春生，滿臉紅，覓詩客坐夕陽中，困人天氣晴還
雨，不厭上林茶味濃。

夏夕五月廿一日樊宅

湘簾平鋪坐小齋，蟬聲和月在高槐，閑來栽箇數竿
竹，收取清飈涼滿懷。

贈小西元柳生輓乃翁小西元柳生世住江州業鑿來學有年矣客歲

乃翁告終聞平素為厚君子人也而予未面
屬者生來求予作輓詩且示有相識之契於
後世為裁一絕以還之
云時享保乙巳三月也

高蹤嘗寓大湖濱，囊裡神方能壽人，喜子苗會傳世
業，年年領取杏花春。

采蓮曲六月廿一日褚氏宅

小舟纔受雨，三人一棹撐開楊柳津，不管素波濺，裙
帶荷花多處去，來頻。

七夕雲 兵部大王莊即事恭賦乙巳六月廿七日

象緯森森拱紫微，
星是夜有光暉明，
河影斷雲來往，
誤想天孫遺繡衣。

金龍秋月 金龍八景之一平井氏求

金龍蟠處白雲流，
片月徘徊接斗牛，
嘗有幽人歌窈窕，
清暉不減昔時秋。

磐梯晴峯 會津徇祥亭十景之一自堀圭山氏請來

一方磐石與雲齊，
恍訝青霄堪可梯，
登陟未期投謝屐，
圖來千里勒新題。

秋色 八月十一日香川氏舍

一雨報秋人倚關，
朝來爽氣滿西山，
化工不倩丹青手，
半幅生絹天地間。

乙巳中秋

把筆嘗題蕭寺夕，
含杯每讌廣文家，
十年人事多陳迹，
坐待銀蟾上碧紗。

桂樹影寒催雨意，
冥雲飛過落欄干，
不因荊楚歲時俗，
煨芋笑佗學懶殘。

田家賞菊 九月廿一日癸舍

鴛黃染出御袍黃，
秋旱灌畦搖桔槔，
方是主人家釀熟，
也堪痛飲讀離騷。

中書宗良王贊久留米家人迂官大夫懇。乙巳九月
 嘗著錢衣，絳鳳池，征東詔下，上壇時誓將一死，酬明
 主不向世途，久險夷。

北島准后親房卿贊

孤忠許國，列簪裾，休嘆半生身計，疎故山松桂，無人
 問，應被秋風倒草廬。

兒島三郎高德贊

聞說翠華忽北，轉義旗無術復中原，縱然事幾暫相
 失，耿耿丹心千古存。

和井口翁韻南紀井口翁上都招予及弟長衡飲圓山僧房和謝

一別相逢鬢已斑，東山蕭寺對屏顏，明光奇勝期重
 討，單舸尋君綠水灣。

寒山

十一月廿一日 淺井氏宅

兩峰高並石峻，嶒人自白雲深處登，日夜山風吹葉
 盡，青猿抱子匿寒藤。

書函梅

森下氏懇

閑窓二月坐東風，影掛兩竿斜日紅，不為誰家羗管
 動，梅花落在筆牀中。

巖頭梅

不管長安桃李春，白沙翠竹耐為隣，花如冰雪枝如

鐵獨倚幽巖伴韵人

次韻適堂師丙午新年作

寵辱不驚林下人，靜繙黃卷領青春。雖然年齒與俱邁，却見新工日又新。

春江漁父

丙午月廿一日 猪飼氏舍

家在萬竿脩竹南，春煙影罩柳鬢鬢。歸梳只趁江風便，網得魚蝦未滿籃。

山行

二月十一日 弊舍

登登一路涉巉巖，天日蔽虧蔭檜杉。洞口待看流菜葉，却遭山雨濕春衫。

田園樂

三月一日 山秀才宅

昨日公門償逋歸，菜花滿眼杏花稀。陽坡暴背軟莎穩，不信人間有錦衣。

蘭化齋賞牡丹

四月九日

嬌鶯細雨送殘春，又着天香惱殺人。一枕夢回松影轉，起看穠艷別般新。

午睡

四月廿一日 拙宅

薔薇花謝午陰長，海燕壘巢依小堂。夢斷不知春已遠，偶然消受北窗涼。

夏日襟興

五月十一日 山秀才宅

夜雨新添屋下泉，殘紅戀樹未鳴蟬。幽窓有箇扶疎竹，也動清飈到枕邊。

假山有懸崖邃谷之狀，名曰小華山。朝枝生求

雲開大華倚蒼天，多謝愚公移一拳。玉井宛然峯上現，會看十丈藕如船。

掬水月在手。六月十一日 蘭晚氏

金波搖曳月光流，六月沙頭涼似秋。偶乘餘酣承一掬，自誇手裏握天球。

一拳石綠質肖山，自項中分白理如水。取和詩語有去年雪之稱，因題詩云。丙午中秋本多侯，郊野野山氏求。

一片玲瓏珍夜光，當時嘗伴米襄陽。峰頭猶宿去年雪，坐上應生六月涼。

東山詠傀儡子。八月十一日 宜齋氏宅

形骸土木綺羅身，到處逢場戲弄春。只道工夫由一線，不知造化却牽人。

山館初冬。十月二日 淺氏

滿山松檜綠參差，孤館無人問阿誰。黃葉擁階猶未掃，收來擬寫舊題詩。

寒山月。十一月十一日 猪飼氏宅

皓魄方中玉宇寒，夜深星斗影闌干。長安多少朱扉

鎖紅獸烟消，不肯看。

壽按察使藤公六十

小川坊城藤公

隆寄嘗膺方伯，任仙班。日侍玉皇前，又看桂子蘭孫。茁瑞雪紛紛飄壽筵。

或持小石假山，來屬予名。且詩之，小似拳有三

峰巖然之象云。矢倉氏之所愛，命之曰小三山。

為賦一絕。壽史琢間生，懇丙午仲冬。

東道從來性愛山，嘗將拳石擬孱顏。不煩童仆航溟海，幻出三壺咫尺間。

國東疊翠

勢州奧田氏清眺閣十一勝之一，享保丙午暮冬。

一夢十年思昔遊，青山擾擾入神州。羨君眼界寬如許，相對尋常不下樓。

少年行

丁未二月十一日井上氏舍

日日膺鷹分綠蕪，予明出郭到將脯。臨流時飲紫騮馬，買酒頻呼赤脚奴。

王昭君

丁未閏正月廿一日弊舍

肉食誰謀帷幄中，漢家近日厭邊功。甘將艷骨埋沙漠，寧恃華顏恨画工。

訪友不遇

勝日柴荆訪呂生，辛夷花謝過清明。書聲暫歇應門

說昨昔家翁偶入城

曲水研

天然研一方面彷彿有曲水之象名曰曲水研措紳家賦和詩以見褒又徵子

言為賦一絕云
○丁未谷生懇

山陰修禊事千年今日風流圖畫傳
參得右軍換鷺意一泓曲水屬天然

梅問柳

不把和羹干世間獨凌冰雪枕潺湲
風流何事章臺畔日送腰支學小蠻

柳答梅

冰姿只合鎖春光湯著含章簷下粧
豈與鶯花成世

界甘將松菊老柴桑

題畫

牡丹正午素相傳知是宣和第幾年
鼠輩秋來驕且點千金購得聘含蟬

夏雲

六月廿一日
井上氏宅

重重簇簇接天明漫學奇峰功未成
何若化為三日雨遍潤九垓澤蒼生

小笠原松泓老丈素嗜學不遠千里
翰儀兼至且寄高作一章冗務相仍不
速謝奉愧負多矣比西上之次在荷
垂訪因賦一絕以謝云

享保
丁未

紹述先生文集卷之廿九終

重山複水幾多程，千里書來荷厚情。慙愧相逢何以報，一甌陽羨為君傾。

題畫梅

臨揚補之圖，正田全暇筆。丁未七月角倉稅官求。

嘗聞奉勅畫梅名，今日相逢眼倍明。應是羅浮山下夢，依然月落又參橫。

涼秋夜月

八月二日 淺氏宅

風捲暑雲驀地收，銀蟾光滿帝王州。相逢話盡十年事，不負蒲團一夜秋。

軒楹涼足月華浮，影落長川歷歷流。童子當隅呼不起，虫聲又報去年秋。
紹述先生文集卷之廿九終

